

Na osnovu člana 205. Zakona o osnovama bezbjednosti saobraćaja na putevima u Bosni i Hercegovini („Službeni glasnik BiH“, broj 6/06, 75/06, 44/07, 84/09) ministar komunikacija i transporta Bosne i Hercegovine donosi

NAREDBU O HOMOLOGACIJI:

I VOZILA U POGLEDU OGRANIČAVANJA NJIHOVE NAJVEĆE BRZINE I NJIHOVE PODESIVE FUNKCIJE OGRANIČAVANJA BRZINE

II VOZILA U POGLEDU UGRADNJE UREĐAJA ZA OGRANIČAVANJE BRZINE (SLD) ILI PODESIVOG UREĐAJA ZA OGRANIČAVANJE BRZINE (ASLD) HOMOLOGOVANOG TIP

III UREĐAJA ZA OGRANIČAVANJE BRZINE (SLD) I PODESIVOG UREĐAJA ZA OGRANIČAVANJE BRZINE (ASLD)

I PODRUČJE PRIMJENE

Član 1.

Vozila kategorija M₃, N₂ i N₃ i njihovi uređaji za ograničavanje brzine, te vozila kategorija M i N i njihovi podesivi uređaji za ograničavanje brzine moraju biti homologovani u skladu sa ovom naredbom.

Ova naredba se primjenjuje na:

- vozila kategorija M₃, N₂ i N₃ opremljena uređajem za ograničavanje brzine (SLD) i vozila kategorija M i N opremljena podesivim uređajem za ograničavanje brzine (ASLD) koji nije posebno homologovan u skladu sa ovom naredbom, ili su tako konstruisana i/ili opremljena da se može smatrati da njihovi sastavni dijelovi u cijelosti ili djelomično ispunjavaju funkcije SLD ili ASLD;
- ugradnju na vozila kategorija M₃, N₂ i N₃ uređaja za ograničavanje brzine (SLD) i ugradnju na vozila kategorija M i N podesivog uređaja za ograničavanje brzine (ASLD) koji su homologovani u skladu sa ovom naredbom;
- uređaje za ograničavanje brzine koji su namijenjeni za ugradnju na vozila kategorija M₃, N₂ i N₃ i podesive uređaje za ograničavanje brzine koji su namijenjeni za ugradnju na vozila kategorija M i N.

II ZAHTJEVI

Član 2.

Jednoobrazni uslovi za vozila i uređaje iz člana 1. ove naredbe koji podliježu ispitivanju, metode ispitivanja, način vršenja kontrole saobraznosti serijske proizvodnje sa homologovanim tipom, postupak i način uzimanja uzoraka serijske proizvodnje, sadržaj izvještaja o ispitivanju radi izdavanja saopštenja o homologaciji, izgled homologacijske oznake i obrazac saopštenja o homologaciji dati su u Jednoobraznim propisima koji se odnose na homologaciju: I vozila u pogledu ograničenja njihove najveće brzine i njihove podesive funkcije ograničenja brzine, II vozila u pogledu ugradnje uređaja za ograničavanje brzine (SLD) ili podesivog uređaja za ograničavanje brzine (ASLD) homologovanog tipa, III uređaja

za ograničavanje brzine (SLD) i podesivog uređaja za ograničavanje brzine (ASLD) (Pravilnik broj 89 Ekonomske komisije za Evropu Organizacije ujedinjenih nacija, u daljem tekstu: ECE pravilnik br. 89), sa važećim izmjenama i dopunama koje je prihvatila i primjenjuje Bosna i Hercegovina, donesenim na osnovu Sporazuma o usvajanju jednoobraznih tehničkih propisa za vozila sa točkovima, opremu i dijelove koji mogu biti ugrađeni i/ili korišćeni na vozilima sa točkovima i uslovima za uzajamno priznavanje dodijeljenih homologacija na osnovu ovih propisa ("Službeni glasnik Bosne i Hercegovine", broj /2010).

ECE pravilnik br. 89 u izvornom obliku (na engleskom jeziku) dostupan je u Ministarstvu komunikacija i transporta Bosne i Hercegovine, odnosno kod organizacije određene za obavljanje administrativnih poslova u oblasti homologacije.

III HOMOLOGACIJA I ISPITIVANJE

Član 3.

Homologacija vozila i uređaja iz člana 1. ove naredbe vrši se na uzorcima tipa obuhvaćenim ovom naredbom.

Homologacijska ispitivanja vozila i uređaja iz člana 1. ove naredbe može provoditi samo laboratorija ovlašćena od strane Ministarstva komunikacija i transporta Bosne i Hercegovine.

IV PROVJERA USKLAĐENOSTI

Član 4.

Provjera usklađenosti vozila sa zahtjevima ove naredbe provodi se prema postupku koji je propisan Pravilnikom o homologaciji vozila, dijelova, uređaja i opreme vozila („Službeni glasnik BiH”, broj 41/08).

Pri provjeri usklađenosti vozila prihvataće se homologacije dodijeljene u skladu sa serijom (serijama) izmjena i dopuna ECE pravilnika br. 89 prema Odluci o najnižim tehničkim zahtjevima za novoprodukcija i korišćena vozila pri homologaciji tipa vozila i homologaciji pojedinačnog vozila, koju će donijeti ministar komunikacija i transporta Bosne i Hercegovine.

V PRIMJENA

Član 5.

Ova naredba stupa na snagu osmog dana od dana objavljivanja u „Službenom glasniku BiH”.

Ministar

.....
mr sc. Rudo Vidović